

Глас 2, самогласна:

8. Стих: Небеса поведают славу Божию,/ творение же руку Его воз-
вещает твердь.

Небесная чаша явился еси мудрости,/ Духа бо показался еси обитель
красная/ и изрекл еси добродетелей истину,/ земныя уловив умною
удицею мудрости Божия./ Тем молим тя, апостоле Филиппе,// моли-
ся о душах наших.

«Слава» – **стихира евангельская 1-я,**

«И ныне» – «Преблагословенна еси...».

Великое славословие. По Трисвятом – тропарь воскресный: «Вос-
крес из гроба...».

НА ЛИТУРГИИ

Блаженны гласа – 6,

и Апостола Филиппа, глас 6: песнь 3-я – 4:

Тропарь: Ты, исполнен света деятельнаго видения,/ Свету великому,
бывшу с нами, сподобился еси Христу служити,// Филиппе Богогла-
голиве.

Радуйтесь и веселитесь, яко мзда ваша многа на Небесех.

Тропарь: Степень догматов благочестивых твое тайноводствие благо-
честиво явился,/ тем бо Сына познахом соестественна// и соединенна
суца Родителю.

Слава Отцу и Сыну и Святому Духу.

Тропарь: Свещник был еси злат,/ сияя человеком присносущный
свет/ и просвещающ им вселенную яве познанием,// Филиппе все-
изящнейше.

И ныне и присно и во веки веков. Аминь.

Богородичен: На Тя, Пресвятая Чистая, надеявся,/ да не отпаду
Твоего чаяния,/ но, яко Мати милостивная человеколюбиваго Бо-
га,// сетей мя врага избави.

**По входе – тропари и кондаки:
[В храме Господском]**

Тропарь воскресный,

Тропарь апостола Филиппа, глас 3:

Благоукрашается вселенная, Ефиопия ликовствуёт,/ яко венцем красуема, тобою просветившись,/ светло торжествует пámять твою,/ богоглаголиве Филиппе,/ вся бо веровати Христу научил еси/ и течение совершил достойно Ева́нгелия./ Тем дерзновенно варит Ефиопская рука к Бо́гу,// Егоже моли даровати нам вéлию мíлость.

**«Слава» – Кондак апостола Филиппа, глас 8,
подобен: "Яко начатки...":**

Ученик, и друг Твой, и подражатель страсти Твоея/ вселенней Бога Тя проповеда Богоглаголивый Филипп;/ того молитвами от врагов пребеззаконных/ Церковь Твою и всяк град Твой// Богородицею соблюди, Многомилостиве.

«И ныне» – кондак воскресный.

В храме Богородицы – тропарь воскресный, тропарь храма, тропарь апостола; кондак воскресный. «Слава» – кондак апостола, «И ныне» – кондак храма.

В храме святого – тропарь воскресный, тропарь храма, тропарь апостола; кондак воскресный, кондак храма. «Слава» – кондак апостола, «И ныне» – «Предстательство христиан...».

Прокимен воскресный, глас 6: Спаси, Господи, люди Твоя, / и благослови достояние Твое.

Стих: К Тебе, Господи, воззову, Боже мой, да не премолчиши от мене.

Прокимен апостола Филиппа, глас 4: Во всю землю изыде вещание их / и в концы вселенных глаголы их.

Аллилуарий воскресный, глас 6: Живый в помощи Вышняго, в крове Бога Небеснаго водворится.

Аллилуарий апостола Филиппа, глас 1:

Стих: Исповедят Небеса чудеса Твоя, Господи, ибо истину Твою в церкви святых.

Причастен Воскресный: Хвалите Господа с небес, хвалите Его в вышних.

Причастен ап. Филиппа: Во всю землю изыде вещание их, и в концы вселенных глаголы их.

Аллилуия. Трижды.